



Broj: 04-GV-04-1743/21
Sarajevo, 24.12.2021. godine

*ZAPISNIK O RADU
DESETE SJEDNICE ODBORA ZA BUDŽET I FINANSIJE
održane 24.12.2021. godine*

Prisutni:

1. Namir Čomaga, predsjedavajući
2. Danijela Šahat, zamjenica predsjedavajućeg
3. Lajla Ćosović, članica
4. Kenan Đonko, član,
5. Anes Teskeredžić, član
6. Seid Škaljić, član
7. Haris Džihanić, član

Sjednici iz Stručne službe Gradskog vijeća Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeće Grada Sarajeva

Sjednici prisustvovao Muamer Kutlovac, pomoćnik Gradonačelnice za finansije

Predsjedavajući Odbora je otvorio sjednicu u 08.30 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Devete sjednice Odbora za budžet i finansije Gradskog vijeća Grada Sarajeva održane 24.12.2021. godine.

Na prijedlog zamjenice predsjedavajućeg Odbora, jednoglasno je usvojen sljedeći **dnevni red**:

1. Utvrđivanje amandmana na Prijedlog Budžeta Grada Sarajeva za 2022 godinu
2. Tekuća pitanja

TAČKA 1.

Utvrđivanje amandmana na Prijedlog Budžeta Grada Sarajeva za 2022 godinu

U raspravi su sudjelovali svi članovi Odbora koji su iznosili određene prijedloge, a odgovore na pitanja i dodatna obrazloženja je dao pomoćnik Gradonačelnice za budžet i finansije Muamer Kutlovac.

Uslijedilo je formuliranje konkretnih prijedloga za utvrđivanje amandmana na Prijedlog Budžeta Grada Sarajeva za 2022. godinu ovog radnog tijela.

1. Članica Odbora Danijela Šahat je predložila i svoj prijedlog obrazložila Odbor utvrdi amandman na prijedlog Budžeta Grada Sarajeva za 2022. godinu sljedećeg sadržaja.
Predlaže se da se sa stavka "Diplomatki zimski bazar, Udruženje "Diplomatski zimski bazar Sarajevo" sredstva u izosu od 5.000,00 KM preraspodjele tako da se planira nova stavka Podrška Udruženju "Porodica tri plus".



2. Član Odbora Seid Škaljić je predložio i svoj prijedlog obrazložio da Odbor utvrdi amandman na prijedlog Budžeta Grada Sarajeva za 2022. godinu sljedećeg sadržaja. Predlaže se da se sredstva planirana na stavci “Sufinansiranje Sarajevo Film Festivala”, u izosu od 30.000,00 KM preraspodjele tako da se planira nova stavka Sufinansiranje završetka filma “Bosanski vitez”.
3. Član Odbora Seid Škaljić je predložio i svoj prijedlog obrazložio da Odbor utvrdi amandman na prijedlog Budžeta Grada Sarajeva za 2022. godinu sljedećeg sadržaja. Predlaže se da se sredstva planirana na stavci Primjena Odluke o uslovima i postupku prihvatanja pokroviteljstva Grada Sarajeva”, u izosu od 5.000,00 KM preraspodjele tako da se planira nova stavka Udruženje UUSC – Teretana u Studentskom centru”.
4. Član Odbora Haris Džihanić je predložio i svoj prijedlog obrazložio da Odbor utvrdi amandman na prijedlog Budžeta Grada Sarajeva za 2022. godinu sljedećeg sadržaja. Predlaže se da se sredstva planirana na stavci “Sredstva za vjerske zajednice i crkve”, u izosu od 5.000,00 KM preraspodjele tako da se planira nova stavka Udruženje građana Radojna – Rudo- sanacija putne komunikacije.

Poslije sažetka Predsjedavajućeg, Odbor za budžet i finansije je jednoglasno odlučio kako slijedi.

1. Odbor za Budžet i finansije utvrđuje i upućuje Gradskom vijeću na razmatranje amandmane na Prijedlog Budžeta Grada Sarajeva za 2022. godinu:

Amandman 1.

Predlaže se da se stavka planirana u Budžetu pod Tekućim izdacima, ekonomski kod 614300 – Tekući transferi neprofitnim organizacijama - “Diplomatki zimski bazar, Udruženje “Diplomatski zimski bazar Sarajevo” gdje je predložen plan sredstava u izosu od 15.000,00 KM umanjani za iznos od 5.000,00 KM te se planira u iznosu od 10.000,00 KM , s tim da se na osnovu tako izdvojenih sredstava u iznosu od 5.000, 00 KM u Prijedlogu Budžeta Grada Sarajeva za 2022. godinu, planira nova stavka pod istim ekonomskim kodom 614300 - Tekući transferi neprofitnim organizacijama Podrška Udruženju “Porodica tri plus” .

Obrazloženje:

Udruženje “Porodice tri plus“ je nezavisna, nestranačka, neprofitabilna organizacija koja zastupa štiti i unapređuje porodice s troje i više djece u Bosni i Hercegovini. Udruženje je osnovano u Sarajevu, februara 2021 godine i kontinuirano je uključeno na podizanju kvaliteta života kao i osnaživanju intergriteta višečlanih porodica. Zalaže se za društveno okruženje koje će podupirati i osnaživati „tri plus porodice“.

Misija je doprinositi zakonskom zagovaranju sistemskog obezbjeđivanja javnih i društvenih prava i benefita za ove porodice, u svrhu ostvarenja što boljeg ambijenta za njihove društvene, finansijske, odgojno-obrazovne, sportsko-kulturne, poslovne i sve ostale životne prilike. Sistemsko i institucionalno pomaganje ovih porodica kroz prizmu pronatalitetne politike je ujedno borba za opstanak našeg naroda i domovine. Društvo koje brine o porodicama a posebno o porodicama s troje i više djece.

Amandman 2.

Predlaže se da se stavka planirana u Budžetu pod Tekućim izdacima, ekonomski kod 614300 – Tekući transferi neprofitnim organizacijama - “Sufinansiranje Sarajevo Film Festivala, gdje je predložen plan sredstava u izosu od 200.000,00 KM umanji za iznos od 30.000,00 KM te se planira u iznosu od 170.000,00 KM , s tim da se na osnovu tako izdvojenih sredstava u iznosu od 30.000, 00 KM u Prijedlogu Budžeta Grada Sarajeva za 2022. godinu, planira nova stavka pod istim ekonomskim kodom 614300 - Tekući transferi neprofitnim organizacijama - Sufinansiranje završetka filma “Bosanski vitez”.

Obrazloženje:

Nažalost velikih političkih ili ekonomskih uspjeha na međunarodnoj sceni nemamo. Međutim polje na kojem smo prepoznati na svjetskoj sceni je svakako naša kinematografija. Od Sarajevo Film Festivala (SFF) koji je prerastao regionalne okvire, pa do našeg „Bosansko Hercegovačkog Oscara“ bilježimo značajne rezultate u tom polju. Film Bosanski Vitez prikazuje da ljubav prema domovini i njenoj historiji ne poznaje granice niti udaljenost. Ekipa okupljena oko ideje Bosanskog viteza su istinske patriote ove zemlje, a inspiracija je Sead Delić koji rodnom iz Glogove kod Bratunca zbog ratnih dešavanja napušta svoju zemlju i ide u Ameriku. Ostvaruje svoj američki san, ali ljubav prema domovini je jača. Redovno posjećuje Bosnu i počinje istraživati o Bosanskim vitezovima, njihovom kodeksu časti, shvata da je ova zemlja bila zemlja slobodoumnih i tolerantnih. Istražujući sve dublje spoznaje na kakvo historijsko blago je naišao. Tačno je da tema obrađuje srednji vijek, ali aktuelna je više nego ikada. Potrebno je da SVI vide kakve mi korijenje i historiju imamo. Više informacija o kompletnom projektu možete dobiti na <https://www.bosanskivitez.ba/>

Relevantnost ove filmske ekipe je svakako i jako uspješan dokumentarni film „Scream for me Sarajevo“ iz 2016 godine koji govori i koncertu koji je održao Iron Maiden u ratnom Sarajevu. <https://www.youtube.com/watch?v=m3MedSfD57w>

Dokumentarac je dobio veliki broj međunarodnih nagrada na relevantnim festivalima i ocijenjen je sa 8.8 na IMDb, a sam Bruce Dickinson je ove godine najavio da će snimiti i on Film o tom čuvenom koncertu.

Amandman 3.

Predlaže se da se stavka planirana u Budžetu pod Tekućim izdacima, ekonomski kod 614300 – Tekući transferi neprofitnim organizacijama - “Primjena Odluke o uslovima i postupku prihvatanja pokroviteljstva Grada Sarajeva, gdje je predložen plan sredstava u izosu od 150.000,00 KM umanji za iznos od 5.000,00 KM te se planira u iznosu od 145.000,00 KM , s tim da se na osnovu tako izdvojenih sredstava u iznosu od 5.000, 00 KM u Prijedlogu Budžeta Grada Sarajeva za 2022. godinu, planira nova stavka pod istim ekonomskim kodom 614300 - Tekući transferi neprofitnim organizacijama – Udruženje studenata Studentskog centra USSC – Teretana u Studentskom centru”.

Obrazloženje:

Udruženje studenata Studentskog centra (USSC) je udruženje koje se zalaže za poboljšanje studentskog standarda u svim oblastima. Članovi udruženja su stanari studentskih domova u Sarajevu. Svake godine naše udruženje broji preko 1000 članova te upravljачka tijela udruženja u skladu sa statutom se trude olakšati studentski period kroz poboljšanje uslova stanovanja, organizovanje raznih događaja, manifestacija, predavanja i slično. S obzirom da smo u protekle dvije godine uspjeli izvršiti određene ciljeve; JU 'Studentski Centar' Sarajevo uvršten u projekat energetske efikasnosti (1. Lot), uveden doručak u redovne obroke, smanjeni troškovi zaduženja, ostao nam je još jedan nedovršen a to je teretana.

Amandman 4.

Predlaže se da se stavka planirana u Budžetu pod Tekućim izdacima, ekonomski kod 614300 – Tekući transferi neprofitnim organizacijama - “Sredstva za vjerske zajednice i crkve, gdje je predložen plan sredstava u izosu od 100.000,00 KM umanji za iznos od 5.000,00 KM te se planira u iznosu od 95.000,00 KM , s tim da se na osnovu tako izdvojenih sredstava u iznosu od 5.000, 00 KM u Prijedlogu Budžeta Grada Sarajeva za 2022. godinu, planira nova stavka pod istim ekonomskim kodom 614300 - Tekući transferi neprofitnim organizacijama – Udruženje građana Radojna – Rudo- sanacija putne komunikacije.

Obrazloženje:

Sredstva su potrebna za asfaltiranje dijela puta dužine 1.500 metara na dionici Strgačina-Pazalje a zašto je zahtjev uputila Mjesna zajednica Strgačina, Opština Rudo, Republika Srpska, putem koje su se s ovim zahtjevom obratili povratnici u ovo selo i ovaj problem definirali kao prioritetan jer je pomenuti lokalni put toliko oštećen da se njime teško kretati. S obzirom da Opština Rudo nije u mogućnosti sama finansirati rekonstrukciju dijela puta Strgačine –Pazalje, upućen je ovaj zahtjev, te se predlaže Gradskom vijeću Grada Sarajeva dag a prihvati.

Eventualno odobrena sredstva se mogu uplatiti na žiro račun Udruženje građana Rudo, broj 5620068138101060 otvoren kod NLB Razvojne banke dd Banja Luka.

TAČKA 2.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI ODBORA

Namir Čomaga, s.r.

Predsjedavajući Odbora je u 09.45 sati zaključio rad Desete sjednice Odbora za budžet i finansije Gradskog vijeća Grada Sarajeva.